

周禮卷第五

春官宗伯第三

周禮

鄭氏注

惟王建國辨方正位體國經野設官分職以

爲民極乃立春官宗伯使帥其屬而掌邦禮

以佐王和邦國

禮謂曲禮五吉凶賓軍嘉其別三十有六鄭司農云宗伯

主禮之官故書堯典曰帝曰咨四岳有能典朕三禮僉曰伯夷帝曰俞咨伯女作秩宗宗官又主鬼神故國語曰使名姓之後能知四時之生犧牲之物玉帛之類采服之宜彝器之量次主之度屏攝之位壇場之所上下之神祇氏姓之所出而率舊典者爲之宗春秋

禘于大廟躋僖公而傳曰夏父弗忌爲宗人
又曰使宗人鬯夏獻其禮禮特牲曰宗人升
自西階視壺濯及豆籩然則唐虞歷三代以
宗官典國之禮與其祭祀漢之大常是也

禮官之屬大宗伯卿一人小宗伯中大夫二

人肆師下大夫四人上士八人中士十有六

人旅下士三十有二人府六人史十有二人

胥十有二人徒百有二十人

肆猶陳也肆師
佐宗伯陳列祭

祀之位及
牲器粢盛

鬱人下士二人府二人史一人徒八人

鬱鬱
金香

草宜以和鬯

鬯人下士二人府一人史一人徒八人

鬯釀爲

酒芬香條暢於上下也
秬如黑黍一稃二米

雞人下士一人史一人徒四人

司尊彝下士二人府四人史二人胥二人徒

二十人

彝亦尊也鬱鬯曰彝彝
法也言爲尊之法正

司几筵下士二人府二人史一人徒八人

筵亦

席也鋪陳曰筵藉之曰
席然其言之筵席通矣

天府上士一人中士二人府四人史二人胥

二人徒二十人

府物所藏言天者尊此所藏若天物然

典瑞中士二人府二人史二人胥一人徒十

人

瑞節信也典瑞若今符璽郎

典命中士二人府二人史二人胥一人徒十

人

命謂王遷秩羣臣之書

司服中士二人府二人史一人胥一人徒十

人

典祀中士二人下士四人府二人史二人胥
四人徒四十人

守祧奄八人女祧每廟二人奚四人

遠廟曰祧周爲

文王武王廟遷主藏焉奄如今之宦者女祧
女奴有才知者天子七廟三昭三穆奚女奴
也

世婦每宮卿二人下大夫四人中士八人女

府二人女史二人奚十有六人

世婦后宮官
也王后六宮

漢始大長秋詹事中少府大僕亦
用士人女府女史女奴有才知者

內宗凡內女之有爵者

之內女王同姓之女謂之內宗有爵其嫁於

大夫及士者凡無常數之言

外宗凡外女之有爵者

之外女王諸姑姊妹之外女謂之外宗

冢人下大夫二人中士四人府二人史四人

胥十有二人徒百有二十人

冢封土爲丘壠象冢而爲之

墓大夫下大夫一人中士八人府二人史四

人胥二十人徒二百人

墓冢塋之地孝子所思慕之處

職喪上士二人中士四人下士八人府二人

史四人胥四人徒四十人

職主也

大司樂中大夫二人樂師下大夫四人上士

八人下士十有六人府四人史八人胥八人

徒八十人

大司樂樂官之長

大胥中士四人小胥下士八人府二人史四

人徒四十人

胥有才知之稱禮記文王世子曰小樂正學干大胥佐之

大師下大夫二人小師上士四人瞽矇上瞽

四十人中瞽百人下瞽百有六十人眡瞭三

百人府四人史八人胥十有二人徒百有二

十人

凡樂之歌必使瞽矇爲焉命其賢知者以爲大師小師晉杜蒯云曠也大師也

眡讀

爲虎眡之眡瞭目明者鄭司農云無目眡謂之瞽有目眡而無見謂之矇有目無眸

子謂之眡

典同中士二人府一人史一人胥二人徒二

十人

同陰律也不以陽律名官者因其先言耳書曰協時月正日同律度量衡大師

職曰執同律以聽軍聲

磬師中士四人下士八人府四人史二人胥

四人徒四十人

鍾師中士四人下士八人府二人史二人胥
六人徒六十人

笙師中士二人下士四人府二人史二人胥
一人徒十人

鑄師中士二人下士四人府二人史二人胥
二人徒二十人

鑄如鍾而大

韎師下士二人府一人史一人舞者十有六

人徒四十人

鄭司農說以明堂位曰昧東夷之樂讀如味食飲之味杜子春

讀昧爲味莖著之昧
玄謂讀如昧韎之韎

旄人下士四人舞者衆寡無數府二人史二

人胥二人徒二十人

旄旄牛尾舞者所持以指麾

籥師中士四人府二人史二人胥二人徒二

十人

籥舞者所吹春秋宣八年壬午猶繹萬入去籥傳曰去其有聲者廢其無聲者

詩云左手執籥右手秉翟

籥章中士二人下士四人府一人史一人胥

二人徒二十人

籥章吹籥以爲詩章

鞀鞀氏下士四人府一人史一人胥二人徒

二十人

鞀讀如屨也鞀屨四夷舞者所屝也今時倡蹋鼓沓行者自有屝

典庸器下士四人府四人史二人胥八人徒

八十人

庸功也鄭司農云庸器有功者鑄器銘其功春秋傳曰以所得於齊之兵

作林鍾而銘魯功焉

司干下士二人府二人史二人徒二十人

舞干

者所持謂盾也春秋傳曰萬者何干舞也

大卜下大夫二人卜師上士四人卜人中士

八人下士十有六人府二人史二人胥四人

徒四十人

問龜曰卜大卜
卜筮官之長

龜人中士二人府二人史二人工四人胥四

人徒四十人

工取龜
攻龜

華氏下士二人史一人徒八人

焦煖用荆
華之類

占人下士八人府一人史二人徒八人

占著
龜之

卦兆
吉凶

簪人中士二人府一人史二人徒四人

問著曰筮

其占易

占夢中士二人史二人徒四人

眡祲中士二人史二人徒四人

侵祲陰陽氣相漸成祥者

魯史梓慎云吾見赤黑之祲

大祝下大夫二人上士四人

小祝中士八人下士十有六人府二人史四

人胥四人徒四十人

大祝祝官之長

喪祝上士二人中士四人下士八人府二人
史二人胥四人徒四十人

甸祝下士二人府一人史一人徒四人言甸之

也田狩
之祝

詛祝下士二人府一人史一人徒四人詛謂
祝之

使沮
敗也

司巫中士二人府一人史一人胥一人徒十

人司巫巫
官之長

男巫無數

女巫無數其師中士四人府二人史四人胥

四人徒四十人

巫能制神之
處位次主者

大史下大夫二人上士四人

小史中士八人下士十有六人府四人史八

人胥四人徒四十人

大史史
官之長

馮相氏中士二人下士四人府二人史四人

徒八人

馮乘也相視也世登高臺以視天文
之次序天文屬大史月令曰乃命大

史守典奉法司天日月
星辰之行宿離不貸

保章氏中士二人下士四人府二人史四人

徒八人

保守也世守天文之變

內史中大夫一人下大夫二人上士四人中

士八人下士十有六人府四人史八人胥四

人徒四十人

外史上士四人中士八人下士十有六人胥

二人徒二十人